

تاریخ دباچ: 12 ديسمبر 2025م / 21 جمادی الآخرة 1447ھ



خطبة جمعة

تاجوق:

"LGBT: مقوندغ بالا،

منچابوت كبركتن"

تربيتن :

اونيت خطبة، بهاكين قغوروسن مسجد

جابتن اكام اسلام سلاغور

"LGBT: مقونء؁ بالا؁

منچابوت كبركتن"

الْحَمْدُ لِلّٰهِ الْقَائِلِ : وَلَوْطَا اِذْ قَالَ لِقَوْمِهِۦ اَتَاْتُونَ الْفَحِشَةَ مَا
سَبَقَكُمْ بِهَا مِنْ اَحَدٍ مِّنَ الْعٰلَمِيْنَ. اِنَّكُمْ لَتَاْتُونَ الرِّجَالَ شَهْوَةً مِّنْ
دُوْنِ النِّسَاءِۚ بَلْ اَنْتُمْ قَوْمٌ مُّسْرِفُونَ.¹

اَشْهَدُ اَنْ لَا اِلٰهَ اِلَّا اللّٰهُ وَحْدَهُ لَا شَرِيكَ لَهُ وَاَشْهَدُ اَنَّ مُحَمَّدًا عَبْدُهُ
وَرَسُوْلُهُ. اَللّٰهُمَّ صَلِّ وَسَلِّمْ عَلٰى سَيِّدِنَا مُحَمَّدٍ وَعَلٰى اٰلِهٖ
وَصَحْبِهٖ اَجْمَعِيْنَ.

اَمَّا بَعْدُ؁ فَيَا اَيُّهَا الْمُسْلِمُونَ اتَّقُوا اللّٰهَ؁ اُوْصِيْكُمْ وَاِيَّايَ بِتَقْوٰى
اللّٰهِ فَقَدْ فَازَ الْمُتَّقُونَ.

قَالَ اللّٰهُ تَعَالٰى : يٰۤاَيُّهَا الَّذِيْنَ ءَامَنُوا اتَّقُوا اللّٰهَ حَقَّ تُقَاتِهٖ وَلَا تَمُوْتُنَّ
اِلَّا وَاَنْتُمْ مُّسْلِمُونَ.²

¹ Al-A'raf: 80-81.

² Ali-'Imran: 102.

مسلمين یغ درحمتي الله سبحانه وتعالی سکالین،

ساي مپرو اکر کیت برساما-سام منیغکتکن کتقواءن
کیت کقد الله سبحانه وتعالی دغن ملقساناکن سکالا
قرینته دان منیغکلکن سکالا قرکارا یغ دلارغن. سموک کیت
سموا دبریکن کهاکیاءن دان کجایاءن ددنیا دان داخیره.

قد هاري یغ مولیا این، خطیب اکن ممبیچاراکن خطبة یغ
برتاجوق "LGBT: مغوندغ بالا، منچابوت کبرکتن".

حاضیرین جمعة یغ درحمتي الله سبحانه وتعالی،

سسوڭکوهش کیت هیدوف قد زمان یغ اوجین دان فتنش
سماکین مڭهاکیس نیلای ایمان. دتغه ۲ اروس نورمالیساسی
معصیه، مونچول ساتو قپاکیت سوسیال یغ بوکن سقدر
مپالهی فطره، بهکن مغوندغ کمورکاءن الله سبحانه وتعالی
سهیغکاکن نعمت کبرکتن هیدوف تیدق تراس لاکي. ایتوله
بودایا سوغسغ LGBT یاءیت سیغکتن کقد Gay، Lesbian،
Bisexual دان Transgender. سموا این مروجوع کقد

کچندروغن دان قریلاکو سیکسوال یغ میمقغ درقد فطره
قنچیتان مائنسی.

داتا ترکینی کمنترین کصیحتن ملیسیا منونجوکن بهاوا
قد تاهون لالو سهاج، سباق 3,185 کیس HIV بهارو
دریکودکن دان انتاراڻ برقونچا درقد طبیعة سیکس سوغسغ
سفرتی homosexual دان bisexual.

ساغت میدیهکن قد هاری این، بودایا سوغسغ LGBT
دفروموسیکن سباگای "حق"، "کبیسن"، دان "ایدینتی"،
سدغکن الله سبحانه وتعالی مناماکن قربواتن این سباگای
کجی، ملمقاوئی باتس دان سست درقد فطره، سباگایمان
دچریتاکن دالم قیصه قوم نبی لوط علیه السلام.

فرمان الله سبحانه وتعالی دالم سورة الأعراف آیات 80
دان 81 یغ دباچاکن داول خطبة بر مقصود:

"دان لوط جوک (تله کامی اوتوسکن). ایغتله، کتیک دی
برکات کقد قومش، "فاتوتکه کامو ملاکوکن قربواتن یغ کجی

يغ تيدق قرنه دلاکوکن اوليه سآورغ قون درقد قندودوق عالم
اين سبلوم کامو؟ "سسوڭکوهش کامو منداتغي للاکي اونتوق
ممواسکن نفسو شهوة کامو دان بوکنش کقد قرمقوان. بهکن،
کامو اين اياه قوم يغ ملمقاوئي باتس."

دالم ايات اين، الله سبحانه وتعالى بوکن سهاج مچم
قربواتن ايت سباکاي الفاحشة يعني قربواتن کجي يغ
ملمقاوئي باتس، تتاي منکسکن بهاوا تياد اومت سبلوم ايت
يغ براني ملاکوکن دوسا دان کروسقن سآومقام ايت. دان
اقابيلا ماءنسي ملمقاوئي فطره، اخيرث الله سبحانه وتعالى
منورونکن عذاب يغ تيدق قرنه دتيمقاکن کقد مان ۲ اومت
سبلومش.

دسيني، کيت کاتاکن دغن ستکس-تکسش بهاوا الله
سبحانه وتعالى ملعنة سسياقا سهاج يغ ملاکوکن قربواتن
قوم نبي لوط. لعنة اين بوکن سقدر چلاءن، اي اداله
قغيشتهارن کمورکاءن الله سبحانه وتعالى يغ دسبوت سچارا

جلس سباکایمان حدیث یغ دروایتکن درقد ابن عباس رضي
الله عنهما بهاوا رسول الله ﷺ برسبدا:

لَعَنَ اللَّهُ مَنْ عَمِلَ عَمَلَ قَوْمِ لُوطٍ، لَعَنَ اللَّهُ مَنْ عَمِلَ عَمَلِ
قَوْمِ لُوطٍ - ثَلَاثًا -

"الله ملعنة سسیاقا سهاج یغ ملاکوکن قربواتن قوم نبی
لوط، الله ملعنة سسیاقا یغ ملاکوکن قربواتن قوم نبی
لوط (بکیندا مغولغیش سبایق تیک کالی)".

(روایت احمد).

رسول الله ﷺ جوک میاتاکن کبیمبغن ترهادف قربواتن
ترکوتوق سفرتی این. سباکایمان سبداش یغ دروایتکن درقد
جابر بن عبد الله رضي الله عنه:

إِنَّ أَخَوْفَ مَا أَخَافُ عَلَى أُمَّتِي عَمَلُ قَوْمِ لُوطٍ

"سسوغکوهش یغ قالیغ اکو تاکوت دتیمقا کقد اومتکو
اداله عملن قوم نبی لوط."

(روایت الترمذی).

حاضیرین جمعة یغ برہاگیا،

اقابیل کیت مپبوت تنتغ معصیة قوم نبی لوط علیہ السلام، کتاہوئیله بہاوا ای ادالہ ساتو قپیمقغن فطرہ یغ منجادی سبب کهنچورن سسبواہ مشارکت. إمام القُرطُبی منوکیلکن روایت درقد ابن عباس رضی اللہ عنہما بہاوا قوم این بوکن سہاج ملاکوکن شیریک، تتاڤی مریک جوکلہ قوم قرتام یغ ممبوک قینتو Homoseksual سسام للاکی .

کتیک مان مریک تتف بردگیل ستلہ دبری قرایغتں دمی قرایغتں، اخیرث اللہ سبحانہ وتعالی ممبیناساکن مریک دغن عذاب یغ تیدق قرنہ دتیمقاکن کقد مان ۲ اومت سبلومش. بومی دتربالیقکن، لاغیت منورونکن باتو ۲ دری تانہ یغ دباکر سہیغکلہ مریک دبیناساکن.

فرمان اللہ سبحانہ وتعالی دالم سورة ہود آیات 82 دان

: 83

فَلَمَّا جَاءَ أَمْرُنَا جَعَلْنَا عَلَىٰهَا سَافِلَهَا وَأَمْطَرْنَا عَلَيْهَا حِجَارَةً مِّنْ
سِجِّيلٍ مَّنْضُودٍ. مُّسَوِّمَةً عِنْدَ رَبِّكَ وَمَا هِيَ مِنَ الظَّالِمِينَ بِبَعِيدٍ.

"مک اقابىلا داتغ قرينته کامي، کامي جاديکن نگري قوم
ني لوط ايت تراليق (ترينم سکالا يڄ اد دموک بوميڻ)، دان
کامي هوڄني مريک برتوبي-توبي دغن باتو درقد تانه يڄ دباکر.
سموا ايت دبري تندا اوليه توهنمو (يڄ ممبيناساکن مريک)
دان اي قولاً تيدقله جاءوه درقد اورغ يڄ ظاليم ايت."

برداسرکن ساتو روايه درقد السُدي بهاوا، اقابىلا قوم
ني لوط باغون ڦاڳي، تورون ملائكة جبريل مڻڻڪت تانه
کلاغيت درقد توجوه تانه يڄ بريندا. سهيڻڪ تردغر سالقن ۲
انجيڄ مريک دان کوکوڦن ايم ۲ مريک. کمودين ملائكة جبريل
منتراليقکن تانه ترسبوت منيمڦا مريک سهيڻڪ مريک
تريونوه.

حضيرين جماعه يڄ دموليا،

جک دتاش قد کيت، اداکه کيت سڄکوف بردقن دغن
بالا دان مصيبة سقرتي ايت؟ وَالْعِيَاذُ بِاللّٰهِ، سوده تنتو کيت
مموهون اگر دجاءوهکن! کيت مموهون قرليندوغن الله
سبحانه وتعالی درقد فتنه يڄ ممبيناساکن دان درقد دوسا يڄ
مغوندغ عذاب سباکايماں يڄ منيمقا قوم ني لوط عليه
السلام.

اينله ساعتش اونتوق کيت سدر دان انصاف بهاوا فطره
بوکن بوليه دقرماءينکن، دان شريعة تيدق بوليه دقندغ
ريغن. قربواتن LGBT بوکن سهاج برچچککه دغن شريعة تتافي
اي جوک برچچککه دغن عقل يڄ وارس. هاش جيووا يڄ روسق
دان ساکيت يڄ سڄکوف ملاکوکنش. اورغ ۲ يڄ ترجبق دالم
قربواتن سبکيني حقيقتش جاءوه لبيه هينا درقد حيوان، کران
حيوان جنتن منداتغي بتينا اونتوق منروسکن قمبياقن،
سدغکن ماءنسي يڄ سسام جنيس هاش ممنوهي نفسو تنقا
توجوان سلاءين شهوة.

ساوداراکو سيدغ جمعة يغ برهاکيا،

ساي ايغين مپرو کڤد سسياقا يغ ترليبت دالم قربواتن
سبکيني اکر سگرا برتوبه کڤد الله سبحانه وتعالى. ايغتله،
قینتو توبه سنتياس تربوک سلواس-لواسن باکي مريک يغ
بنر ۲ ايغين کمبالي کڤد فطره. جاغن بيارکن ديري تروس
هاپوت دالم دوسا يغ بوکن سهاج مپغکهي فطره، ماله ممباوا
مضرت کڤد ديري سنديري، کلوارک دان مشارکت سکليلغ.

باکي مريک يغ ممقوپاءي کچندروغن ترهادف سسام
جنتينا، سگراه منداقتکن راوتن دان جالني قاعده ۲ تراڤي يغ
ممقو ممبنتو مغمباليکن ديري کڤد فطره يغ سبنر. فاکر ۲
فسیکولوکي مقراکوي بهاوا، Homoseksual بوکنله سواتو
کأداءن يغ برکاءيتن دغن کينيتيک، تتاڤي اي اداله قپاکيت
جيوا يغ بوليه دراوت.

اخيرن، ماريله کيت مغمبيل اعتبار درڤد قيصه قارا نبي
دان اومت تردهولو. کمبالي ممقرتاهنکن فطره دان سنة الله

دغن مملهارا ديري دان كلوارگ كيت درقد قربواتن تركوتوق
سبگيني. موگ دغن كمبالين كيت كقد فطره، اكن لاهيرث
كينراسي يغ وارس دان صيحت، سنتياس طاعة كقد قرينته
الله سبحانه وتعالى سكالينكوس مڠوندغ كبركتن دان رحمة
الله سبحانه وتعالى.

حاضرين جمعة يغ درحمتي الله سبحانه وتعالى،

مغاخيري خطبة قد هاري اين، ماريله سام ۲ كيت
مڠمبيل قڠاجرن اونتوق دجاديكن قدومن دالم كهيدوقن
سهارين كيت:

1. كيت هندقله مپدري بهاوا قربواتن سوغسغ سفرتي
LGBT بوكن سهاج مپالي شريعة دان فطره، ماله ممباوا
مضرت كقد ديري، كلوارگ دان مشاركت.

2. كيت فرلو سگرا برتوبه دان ممقرباءيني ديري سام
اد يغ ترجبق سچارا لغسوغ اتاو سقدر تردهه دغن قڠاروه
قربواتن سوغسغ. قد ماس يغ سام، براوسهاله منداقتكن

راوتن دان نصيحت فاكر اونتوق كمبالي كشد كچندروغن
فطره يغ سبئر.

3. کیت مستيله مڭوکوهکن هوبوغن ککلوارکائن يغ
هرموني دغن ممبیمبیغ انق ۲ دان اهلي کلوارک کیت سوقایا
منجاءوهي کجالا سوغسغ دان معصية.

أَعُوذُ بِاللَّهِ مِنَ الشَّيْطَانِ الرَّجِيمِ
فَنَجَّيْنَاهُ وَأَهْلَهُ أَجْمَعِينَ . إِلَّا عَجُوزًا فِي الْغَابِرِينَ . ثُمَّ دَمَرْنَا الْأَخْرِينَ .
"مک کامي سلامتکنش برسام کلوارکن سرتا قارا قغیکوتش.
کچوالي ساورغ قرمقوان توا يغ ترماسوق دالم کولوغن يغ
دعذاب ایت. کمودین کامي بیناسکن يغ لاءین (یغ منتغ
لوط).".

(سورة الشعراء: 170-172).

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ وَنَفَعَنِي وَإِيَّاكُمْ بِمَا فِيهِ مِنَ
الآيَاتِ وَالذِّكْرِ الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ
الْمُسْلِمِينَ وَالْمُسْلِمَاتِ فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.

خطبة كدوا

الْحَمْدُ لِلَّهِ الَّذِي أَنْزَلَ الشَّرِيعَةَ، هَدَى لِلنَّاسِ وَرَحْمَةً،
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا
عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى
آلِهِ وَأَصْحَابِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ. أَمَّا بَعْدُ، فَيَا
عِبَادَ اللَّهِ اتَّقُوا اللَّهَ أَوْصِيَكُمْ وَإِيَّايَ بِتَقْوَى اللَّهِ فَقَدْ فَازَ
الْمُتَّقُونَ.

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ
وَسَلِّمُوا تَسْلِيمًا.³

اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ
أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ
مِنْهُمْ وَالْأَمْوَاتِ، بِرَحْمَتِكَ يَا أَرْحَمَ الرَّاحِمِينَ.

اللَّهُمَّ أَعِزَّ الْإِسْلَامَ وَالْمُسْلِمِينَ، وَأَذِلَّ الشِّرْكَ وَالْمُشْرِكِينَ، وَدَمِّرْ
أَعْدَاءَ الدِّينِ، وَاجْعَلْ هَذَا الْبَلَدَ آمِنًا مُطْمَئِنًّا وَسَائِرَ بِلَادِ
الْمُسْلِمِينَ.

³ Al-Ahzab: 56.

اَللّٰهُمَّ وَفِّقْ اَئِمَّةَ الْمُسْلِمِيْنَ وَوَلَاةَ اُمُوْرِهِمْ وَجَمِيْعَ الْمُسْلِمِيْنَ لِمَا
فِيْهِ صَلاَحُ الْبِلَادِ وَالْعِبَادِ.

اَللّٰهُمَّ اِنَّا نَسْأَلُكَ وَنَتَوَسَّلُ اِلَيْكَ بِنَبِيِّكَ الْاَمِيْنِ، وَنَسْأَلُكَ
بِاسْمَائِكَ الْحُسْنٰى، وَصِفَاتِكَ الْعُظْمٰى، اَنْ تَحْفَظَ بَعِيْنَ
عِنَايَتِكَ الرَّبَّانِيَّةَ، وَبِحِفْظِ وَقَايَتِكَ الصَّمَدَانِيَّةَ، جَلَالَةَ مَلِكِنَا
الْمُعَظَّمِ، سُلْطَانَ سَلَغُوْر، سُلْطَانَ شَرْفِ الدِّيْنِ اَدْرِيسِ شَاهِ
الْحَاجِ ابْنِ الْمَرْحُومِ سُلْطَانَ صَلَاحِ الدِّيْنِ عَبْدِ الْعَزِيْزِ شَاهِ
الْحَاجِ. اَللّٰهُمَّ اَدِمِ الْعَوْنَ وَالْهِدَايَةَ وَالتَّوْفِيْقَ، وَالصِّحَّةَ
وَالسَّلَامَةَ مِنْكَ، لِوَلِيِّ عَهْدِ سَلَغُوْر، تَعَكُّوْ اَمِيْر شَاهِ ابْنِ
السُّلْطَانَ شَرْفِ الدِّيْنِ اَدْرِيسِ شَاهِ الْحَاجِ، فِيْ اَمْنٍ وَصَلَاحٍ
وَعَافِيَةٍ بِمَنْكَ وَكَرَمِكَ يَا ذَا الْجَلَالِ وَالْاِكْرَامِ. اَللّٰهُمَّ اَطْلُ
عُمْرَهُمَا مُصْلِحِيْنَ لِلْمَوْضَفِيْنَ وَالرَّعِيَّةِ وَالْبِلَادِ، وَبَلِّغْ
مَقَاصِدَهُمَا لِطَرِيْقِ الْهُدٰى وَالرَّشَادِ.

يا الله! كوكوهكنله عقيده اومت إسلام برترسكن اجرن
اهل السنة والجماعة يغ براد داتس جالن نبى محمد ﷺ دان
قارا صحابت رضي الله عنهم. جاء وهكنله كامى درقد سكالاً

بنتوق رسواه دان ساله گونا کواس، بگیتو جوگ کسستن،
شیریک دان خرافة، سرتا لیندوخیله کامی درقد فتنه یغ بولیه
مغکوکت کساتوان دان قرقادوان اومت اسلام.

یا الله! کورنیاکنله کأمانن دان کمعمورن کقد نگارا دان
نگری کامی. قلیهاراله کامی درقد سکالا بنتوق بالا بنچان،
فتنه دان مصیبة. انوگرهکنله کقد کامی قارا قمیمقین یغ
براینیتیگری، تگس دان برانی منگقکن کبزن برلندسکن
شریعتمو.

یا الله! کورنیاکنله کنجرن قهالا کقد قمبایر زکاة، برکاتیله
عمور دان هرتا مریک، کنتیکنله زکاة یغ مریک تونایکن دغن
قرکارا یغ لبیه بائیق، سرتا جادیکنله ای سباکای قپوچی
سکالا دوسا.

یا الله! بوککنله هاتی اومت اسلام یغ لایق منونایکن زکاة
اگر ملقساناکن تونتوتن کفرضوان ترهادف هرتا مریک.
جاءوهکنله کامی درقد صیفت بخیل، سوبورکنله راس کاسیه
سایغ دان ساتوکنله هاتی ۲ کامی دالم کباءیقن.

رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ وَاجْعَلْنَا لِلْمُتَّقِينَ إِمَامًا.⁴
رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.⁵
عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ
عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ.⁶
فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُوا لَهُ عَلَىٰ نِعَمِهِ يَزِدْكُمْ،
وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ وَاللَّهُ يَعْلَمُ مَا
تَصْنَعُونَ.

⁴ Al-Furqan: 74.

⁵ Al-Baqarah: 201.

⁶ Al-Nahl: 90.